

新野縣志卷之二

新野縣知縣常山徐金位纂修

建置志

昔先王建邦設都幅員廣狹不無異制而建置之典附庸亦等於侯伯自秦置郡縣設守令雖縣隸於郡令統於守而一邑規模不異郡省也新雖彈丸乎其間城池以固牧圉公署以布政教興賢育才則有鬻序祈福報功則有壇壝置郵當南北之衝倉庾裕三九之計兵防必飭里甲有編溝洫遠懷夏王陂堰猶

踵事增華亦將有考於斯編歟

城池

新野自漢置縣初無城池東漢劉備屯兵始築土城週圍二里晉置郡治南齊劉思忌爲太守增築外城而舊土城因名子城歷代修濬莫詳明天順五年知縣趙澗重修週圍四里高一丈三尺厚一丈五尺城外爲池深五尺濶一丈五尺環爲四門東曰朝

曰通德南曰望遠北曰迎恩上各建樓成化十二年  
知縣孫詔修築覆以椽瓦正德六年有警知縣高廷  
祿增修外甃以磚列樓櫓高增一丈二尺凡得二丈  
五尺嘉靖四年知縣江東復內甃磚浚池深增五尺  
凡得一丈濶增一丈凡得二丈五尺四城樓以明季  
亂燬今南爲知縣汪永瑞建於順治六年東西北爲  
知縣崔誼之建於順治十五年城垣歲久圯壞爲知  
縣顏光是重修於康熙二十五年城內舊爲中關外  
爲東西南北四關南關外正德十年增築新城鄆院  
李檄

新野縣志

卷之二

建置

二

教諭杜鸞督建

週圍二里外亦爲壕關東西南三門歲久悉

廢內城南門樓乾隆八年知縣張昌蕃重修

公署

縣治創肇於漢居子城之中晉置郡治移城西南隅  
歷代因之明洪武二年縣丞李思誠重建洪治十年  
知縣宋琢重修嘉靖中知縣陳世祿歐世祿朱塗相  
繼增修中爲牧愛堂東爲公庫西爲幕廳北爲冰玉  
堂西爲退思堂康熙壬子知縣高起鳳重修堂後爲  
問心亭左爲憩息居亭俱康熙中知縣武國樞創修

又北爲縣廨東爲典史廨其西今爲湍陽驛大堂前爲月臺中爲戒石亭東序爲吏戶禮承發房西序爲兵刑工鋪長房各房後爲吏舍戒石前爲儀門左右爲角門乾隆癸酉知縣徐金位重修大堂前班房六間重修三堂五間創修捲棚五間書房三間補修宅門以內房廊墻垣

大門三間其外爲屏壁西爲申明亭東爲旌善亭又東爲宣化坊亭坊今廢大門內左有土神祠東爲迎賓館萬歷三年知縣傅來鵬建康熙四十六年知縣

新野縣志

卷之一

建置

三

林文模改賓館爲貯穀倉大門內右爲狴犴乾隆十八年雨圯重修完固

行臺察院在縣治東洪武二十六年知縣馬希敬創建成化二十三年知縣薛琦重修嘉靖三十年知縣吳承恩增修康熙二十六年知縣顏光是又重修中爲正堂北爲川堂又北爲燕堂兩翼爲廂房南兩廊爲吏皂舍中爲儀門前爲大門布政分司在治東鍾鼓樓外按察分司在治東儒學西兩司今皆廢府館在治東路南洪治十四年主簿戴嵩重修歲久傾

萬歷四年知縣傅來鵬改修貯常平倉穀

學校

儒學在縣治東古子城內初在子城外元末兵燬

洪武六年主簿劉莊改建今所成化六年知縣趙澐

重建十二年知府段堅同知任義重修十九年教諭

熊璉洪治十年知縣宋琢相繼增修嘉靖十年教諭

胡清重修三十六年知縣吳承恩增修隆慶六年知

縣田應鳴增修萬歷元年知縣李登重修明末寇亂

多就圯燬

新野縣志

卷之二

建置

四

國朝知縣汪永瑞建明倫堂知縣崔誼之教諭孫行恕

宋昌蔭訓導甯象斗杜永昌修正殿葺兩廡建戟門

濬泮池立名宦祠康熙二十八年知縣顏光是教諭

李皓訓導常應經建東西兩序爲齊宿所焉

先師大成殿五間上懸

御書匾額康熙二十五年

頒萬世師表雍正元年

頒生民未有乾隆元年

頒與天地參雍正十年奉

五代牲用太

東廡七間 西廡七間 戟門三間 櫺星門三間  
泮池舊在櫺星門內後移於外貢生趙恬祖相父鳴  
岐捐鑿乾隆二年知縣陳德重修

宮牆照壁一座 東聖域門 西賢關門

崇聖祠三間戟門東雍正二年奉

旨進王爵改啟聖祠爲崇聖祠乾隆十年奉  
旨官員每逢朔望詣崇聖祠行禮

名宦祠三間在戟門左鄉賢祠三間在戟門右

新野縣志

卷之二

建置

五

明倫堂五間 敬一亭三間嘉靖九年建臥碑在焉  
康熙五十五年知縣周本治重修 尊經閣在亭後  
明知縣吳承恩建今廢 東序舊名務本齋 西序  
舊名明德齋今廢 神厨 宰所舊在射圃東西隙  
地建今廢 射圃舊在戟門西今廢 學門舊在櫺  
星門西教諭熊璉改建於東 教諭廡在明倫堂東  
訓導廡在教諭宅南 忠義祠三間在訓導宅南  
節孝祠三間在小東關二祠春秋致祭  
奎樓在學宮東南隅康熙三十五年知縣張璽創建

乾隆十九年知縣徐金位重建

議事臺 鐘鼓樓康熙二十八年知縣顏光是重修

乾隆十九年知縣徐金位重修

附

聖廟禮器樂器樂章

禮器

筐爵坫登鋤簠簋籩豆牲盤俎毛血磔饌盤供案香  
鼎香几花瓶香盒燭臺燭檠太尊山尊雲雷尊犧尊  
象尊雲雷壺尊幕龍勺供尊案祝版獻尊案福爵胙

新野縣志

卷之二

建置

六

盤壘洗壘洗案盥盆盆架帨巾巾笥燔爐爨茅沙  
池執爐提爐高照燈弔燈庭燎路燈燎又座鍬齋牌  
戒牌誓牌宿牌班位牌昭穆牌拜席

樂器

麾旛升龍降龍 鑄鐘編鐘特磬編磬琴瑟箎鳳簫洞簫雙

管笙塤楹鼓懸鼓搏拊鼗鼓田鼓祝敵旌節籥翟

樂章

大哉宣聖道德尊崇維持王化斯民是宗典祀有常

於照聖容

右

和之





徵麟綬 韻答金絲 日月既揭

初獻 寧平

予懷明德 玉振金聲 生民未有 展也大成

俎豆千古 春秋上丁 清酒既載 其薌始升

亞獻 安平

式禮莫愆 升堂再獻 響協鼗鏞 誠孚壘獻

肅肅雍雍 譽髦斯彥 禮陶樂淑 相觀而善

終獻 景平

自古在昔 先民有作 皮弁祭菜 於論思樂

新野縣志

卷之二 建置

九

惟天牖民 惟聖時若 彝倫攸叙 至今木鐸

徹饌 咸平

先師有言 祭則受福 四海鬻宮 疇敢不肅

禮成告徹 母䟽母瀆 樂所自生 中原有菽

送神 咸平

鳧繹莪莪 洙泗洋洋 景行行止 流澤無疆

聿昭祀事 祀事孔明 化我蒸民 育我膠庠

白水書院城北半里許祀漢光武皇帝以高密侯

禹征羌侯來歙配享創於明嘉靖南汝道劉公

靖癸酉主簿牛瑤萬歷乙酉知縣孫明治主簿安  
止相繼增修明未毀於兵僅存故址康熙三十年知  
縣顏光是重建久圯乾隆九年知縣董榕張昌蕃相  
繼重建講堂五間大門三間乾隆十八年知縣徐金  
位補修大殿乾隆十年知縣張昌蕃斷入絕戶李得  
志行糧地一頃九十九畝三分六釐一毫爲書院諸  
生膏火之資上地每畝一錢六分中地每畝一錢四  
分下地每畝一錢二分  
社學一正教坊西一官碾里一北門外久廢

新野縣志

卷之二

建置

十

義學在南關街東康熙五十年知縣武國樞創建今  
廢

壇祠

社稷壇在西關外

風雲雷雨山川壇在南關外

邑厲壇在北關外

城隍廟在縣治西北明洪武二年縣丞李思誠創建  
土地祠一在治內一在治北

先農壇城東北二里許正殿三間配房二間大門一

雍正五年知縣曹偉建修

八蜡祠在城南關外明嘉靖二十六年知縣陳世祿創建祀先嗇司嗇農郵表畷猫虎坊水庸昆蟲之神年久傾圯遺址僅存乾隆五年知縣陳偲重建乾隆三年奉 憲文先嗇至尊司嗇次之六神又次之劉猛將軍從祀並祭儀一本典禮與文廟同

漢光皇祠在城南關外久廢今祀於白水書院

漢昭烈祠在城南關外舊在光皇祠後故址明嘉靖三十二年都御史張改建於演武場西以諸葛亮徐庶

新野縣志

卷之一

建置

十一

龐統關羽張飛趙雲配饗康熙三十年知縣顏光是重修以上各壇祠祀典皆載全書城隍之神則附祭於山川壇厲壇則歲舉三祭春用清明秋用中元冬用元朔餘俱春秋二祭

關帝祠一在城內東南隅一在城南關一在城北里許

晉楸在焉雍正三年追 封三代前殿犧牲用牛一羊一豕一籩豆各十後殿犧牲用豕各一羊各一豆各八 各一照文廟之

在 知縣

祠城南俗名

王廟有二一在城內東 一在

高密侯祠城東南四十里

劉公祠明嘉靖間南汝守道祠久廢碑碣尚存見藝文

置郵 舖遞附

湍陽驛 明季在城東南隅玉皇廟故址今改置於縣治之西即舊典史廡也

遞運所 舊在縣治之北久廢驛所並屬縣令管理

急遞總舖 縣治前

溧河舖 縣東二十里

新野縣志 建置

卷之二

接官亭舖 縣東三十里

白河舖 縣南十二里

新店舖 縣南三十里

通南舖 縣南四十五里

桃湖庄舖 縣西二十里

雙橋舖 縣北二十里

新安舖 縣北三十里

橫堤舖 縣北三十五里

沙窩舖 縣北三十二里

原額設舖司兵六十四名工食銀兩三百八十  
除扣荒實徵銀一百四十三兩八錢三分一釐六  
至乾隆九年奉文照原額之數發給免其扣荒

舊志

所載舖遞道里遠近甚詳但舖兵及工食銀兩數目尙未清載今悉補八

倉庾

穀石附

常平倉縣治東南舊府館地康熙三十年知縣顏光是  
重修

西倉縣城西久廢

義倉凡四處一縣南三十里新店舖一縣東三十里龍

新野縣志

卷之一

建置

十二

潭店一縣北三十里樊家集一縣北二十四里港口

村

以上載舊志

收冬藏字號三倉共八間在縣署後雍正四年奉文建  
立

餘倉二間在衙神廟南雍正六年奉文建立

天字號倉三間在縣堂西雍正八年詳請建立

日字號倉二間門樓一間在倉房院內雍正十二年

請建立

新監倉十間在察院舊基內乾隆三年奉文建立

來暑字號二倉原設新店舖乾隆二年知縣陳偲歸

城內

往秋字號二倉原設沙堰鎮乾隆二年知縣陳偲歸

城內

四路社倉二十處雍正二年奉文建立尋已詳請歸併

四處

常平倉乾隆十四年奉文定議照雍正間穀數爲準遵

依原額存貯穀一萬五千石

各鄉社倉共貯穀一千七百六十一石四升六合一勺

新野縣志

卷之一

建置

十四

八抄

恤政

養濟院在縣治東

普濟堂在城南三里許雍正十二年知縣萬廣燕奉文

建修佛堂三間廂房二間茶房一間外草房三十間

貧民居住邑人馬象賢捐地七畝六分二釐每畝

銀二錢典史潘錦營花陂田二頃二十四畝七分一

釐八毫每畝稞銀一錢又捐項銀二百九十九

年二分行息養濟貧民

惠民藥局久廢

桑園城北三里許地十八畝今廢

里甲

關廂里 縣週圍一里

安樂里 縣北四十里

板橋里 縣東北二十里

青羊里 縣北十二里

官碾里 縣東北三十五里

涪陽里 縣南三十五里

新野縣志

卷之二

建置

十五

湍口里 縣西十五里 以上洪武初編

趙庄里 縣北二十里

唐河里 縣東四十五里

湍陽里 縣南三十里

新安里 縣南四十五里

永安里 縣南十五里

上庄里 縣西北三十里

永寧里 縣東南二十里

永興里 縣東三十五里

遷義里

縣西三十五里

鳳鳴里

縣西北二十五里

徙仁里

縣東二十里 以上明成化年增編義仁以待流寓今則屬籍無別矣

南陽衛

係明唐藩衛地舊隸南陽縣順治十六年歸併新野在縣東北五十里

護儀二衛司

係明唐藩軍戶地舊隸南陽縣順治十八年歸併新野在縣東北五十里

閩營里

國初撥閩兵屯田於新各戶錢糧其副將張德總收彙交德故至乾隆元年新設閩營里

### 兵防

演武場在城東南里許匝地四十畝舊有廳久廢康熙

壬辰知縣武國樞重修今廢廳前東邊為旗臺去臺

## 新野縣志

### 卷之二

建置

十六

西南百餘步為轅門縣為鄧新營汛地該營分出千

總一員馬兵十四名步兵五十六名駐縣按時操練

以資防禦千總則廨於城西偏縣治之北

舊載馬守兵丁六十八名雍正九年奉文添守兵八

名乾隆二年奉文添守兵十二名乾隆九年奉文議

裁守兵十五名乾隆十年撥來鄧州馬兵六名撥還

守兵六名赴鄧現存馬兵二十名守兵五十三名乾

隆四年奉撫文照北直磁州式樣建立塹臺營房七

每處塹臺一座望樓一間烟塹五座營房十一間

每塘馬兵二名守兵三名

南塘沙台店 新店舖 通南舖

北塘板橋舖 江家庄 夏官營

西塘桃湖庄

陂堰

羅陂載地三十七頃七十畝三塘聯絡渠通白河

化陂載地一十七頃六十二畝五分

王陂載地伍頃

墓營陂載地四頃六十八畝八分

新野縣志

卷之二

建置

十七

白家陂載地三頃六十畝

上羊陂載地七頃二十畝七分

下羊陂載地伍頃

花 陂載隄長伍百四十丈

溧 陂載地一頃五十三畝

諒 陂隄長九百丈以上三陂儲水灌田俱東

厚 陂載地二十七頃六十二畝伍分

瓦亭陂載地二十四頃五十九畝零卽漢樊宏故里

曰陂汪汪下田良樊氏失業庾氏昌卽此地

杜長陂載地七頃二十畝

曲尺陂載地伍頃

新陂載地十頃

三泉堰隄長 百六十丈濶一丈二尺深半之

苦竹堰隄長六十丈濶一丈一尺深一丈

紙房堰隄長 百八十丈濶二丈

駙馬堰隄長 五尺

柳堰隄長

土堰隄長 丈三尺截溧河水

新野縣志

卷之一

建置

十八

桐栢堰 七尺截土堰及桐栢溝水

長平堰

藁薦堰 丈深半之俱西

黑龍堰 江石河隄長二百丈濶二丈五尺深八尺

隆慶二年 田應鳴修復六年知縣李登重修萬

歷三年知縣傅來鵬重修

短堰 龍堰下隄長一百一十丈濶一丈

並截達北江石二河水

二郎堰隄長二百一十丈濶一丈雖

蟻螂堰隄長七十丈濶五尺深一丈

石橋堰隄長一百丈濶五丈深一丈二尺

沙 堰隄長二百六十丈濶二丈深半之

棠梨堰舊志長五百四十丈

眉兒堰隄長一百五十丈濶一丈八尺深半之截潦水

俱北以上陂堰今皆開墾行糧耕種其制俱廢

沙窩舖隄 車兒灣隄 石樓口隄皆地形卑下河水

一漲輒卽滄沒明嘉靖四十四年知縣孫明善修築

隆慶六年知縣李登重修萬歷三年知縣傳來鵬重

新野縣志

卷之二

建置

十九

修

古隄起自土城西南隅至土邱寺延袤二十五里濶二

丈高八尺萬歷三年知縣傳來鵬增修生員徐訪等

立石記之

黃龍堰隄

黃太堰隄縣城西北二十五里許有黃龍堰越數里有

黃太堰二堰咸受水害康熙五十年南陽太守羅景

命知縣武國樞率衆修築有碑記見藝文

縣南隄康熙五十年南陽府通判呂礪攝篆新野興功

修築有碑記見藝文

崗頭隄縣北四十里傍河渠水溢受害四面皆然康熙五十年知縣武國樞興功修築潦不爲災有碑記見藝文

周仁陂見明知縣吳承恩水利議未詳其處

附溝渠圖解

圖解小記

通判

王

棫

通州人

昔宋蘇文忠公石鐘山記一出而李渤酈道元之簡陋不駁自明以耳治者虛不若目覩之爲真也舊志河

新野縣志

卷之二

建置

二十


道一冊規模粗具而原流分合尙不能罄其委折非畧也操筆者大率乞靈於簡牘風聞於土人而身歷河干上溯來脉下究去路若者爲新遷若者爲故道若者爲統漚若者爲支流或未之及焉越西徐君蒞新邑年餘卽留心參考繪之於圖復益以二小圖以收前圖之所不能載不及載者於是百里疆索在指顧間矣

河圖載山川志內

溝渠圖解并隄防陂堰列後

西北溝渠入河之圖





新野縣志

卷之二

建置

二十一

縣西北溝渠圖解

右繪第一道係官渠自北鄉鮑家灣村前起遶堰窪至

王家莊前流入乾河計長三十二里

右繪第二道曰駱家渠自北鄉駱家莊西起至下青

村入乾河計長三里

右繪第三道曰潦河在縣北古大澗分支自樊家集

潦口村西入乾白河計長十二里

右繪第四道曰堰渠在北鄉由史家營入境歸入

河計長二十四里

右繪第五道曰方兒渠乃涓水支流至方家營止計長四里

右繪第六道曰鄭家渠在西北鄉李家營前起繞嶺背村入新白河計長五里

右繪第七道曰西黃渠在西北鄉自南陽明月岡發源遶北正店至沙埠口入新白河計長三十二里

右繪第八道係西渠自北鄉楊家集老潭坑來入母渠入新白河計長一十七里

右繪第九道係小渠自江湖村遶母渠入新白河計長七里

新野縣志

卷之二

建置

二十三

右繪第十道係大黃渠卽蟻螂堰坐落港口寺史家營前大石橋入七里河計長九里

右繪第十一道係小黃渠卽李魁溝自鄧州野水歸入七里河計長十五里

右繪第十二道係何家渠坐落朱庄上港之南自鄧州發源遶王家營入涓計長二十一里

右繪第十三道係吳家溝坐落宋庄二郎堰自鄧州境來入涓河計長十里

右繪第十四道曰小河坐落桃湖庄滙鄧州野水入境  
遶上港岡入涪河計長二十二里

右繪第十五道曰徐家渠坐落新店舖地方自鄧州遶  
徐家營入黃渠河計長九里

右繪第十六道係南鄉給孤寺官渠自寺庄河入黃渠  
河計長十八里

右繪第十七道係南鄉馬家渠坐落新店舖地方洩黃  
家營後坡水入黃渠河計長十五里

右繪第十八道係北鄉趙庄渠自西鄉港口至小趙庄

新野縣志


卷之一

建置

二十四

入新曰河道計長十五里

東南溝渠入河之圖





新野縣志

卷之二

建置

二十五





新野縣志

卷之一

建置

二十六

縣東南溝渠解

右繪第一道係水字溝坐落東鄉白水龍潭村起遶

家寨並老龍溝之後入唐河計長十七里

右繪第二道曰趙家溝坐落城東自毛家寨起至九女

城後入唐河計長八里

右繪第三道曰黃渠坐落東鄉自馬栗林地方所屬之

周家營西邊起遶廻龍寺張家營入唐河計長一十

四里

右繪第四道曰桐栢溝坐落東鄉水張家營東入唐

第五道曰馬渠坐落東鄉土堰村分溧河支流龍潭地方之溧河鋪馬栗林地方之潘家營並廻龍寺地方之水張家營入於桐栢溝入唐河計長四十二里疏通古之東西高家營曹溪營數十村數百頃民地處也

繪第六道曰孟渠坐落東南鄉自水田村前分溧河支流遶五龍廟各村庄入唐河計長十五里

右繪第七道曰中渠卽東渠收南陽野水至諒陂之上交界下入小澗河計長十九里

新野縣志

卷之二

建置

二十七

右繪第八道係南關地方所轄之石羊岡渠上接孟渠下遶齊家岡郭家營白河鋪郭湖村楊家潭達於溧河計長十五里

右繪第九道曰母渠坐落東鄉自岳家橋起遶宋家庄入溧河計長十四里

右繪第十道曰花陂河坐落東鄉今撥入普濟堂以爲膳地自李鐵營等四十八村庄來水皆注於此入溧河計長七里

右繪第十一係渠自南陽十里河來至興龍觀東

頭橋入境卽分兩渠此渠遶焦家店地方之王家寨並易家橋入溧河計長一十八里

右繪第十二道曰小侶渠坐落城東北自南陽十里河來水分兩渠此渠遶王家寨入溧河計長十九里

右繪第十三道曰紅沙渠坐落東鄉自小侶渠地方遶呂家營入母渠達溧河計長九里

右繪第十四道曰魚鱗渠遶沙河歸入溧河計長十五里

新野八河有無隄防列左

新野縣志

卷之一

建置

二十八

一唐河頭尾係唐縣所轄惟中間一節計長三十里屬新從來無堤

一小澗河兩岸無堤

一溧河兩岸無堤

河兩岸無堤

白河兩岸無堤惟車兒灣現存一堤計長四里

澗河今清水並流呼爲新白河計長一百零三里地畫宜舊有堤遭水衝擊斷續不等

河兩岸俱有堤埂

一刁河兩岸無堤

一江石河東岸堤一道計長八里

一西北鄉鄧家庄護村堤一道計長四里

一沙窩堤自南陽交界起至桐樹灣止

一石樓堤未詳

一古堤坐落白河東岸李家堤下截遶至白河舖計長五里

一黃龍堰堤今黃龍集北沿河之處今無

一黃太堰堤今鮑家灣左黃太岡東邊是也

新野縣志

卷之二

建置

二十九

一沙台堤於康熙五十年經南陽通判呂攝篆新邑修築存有碑記歷三十五年此堤與驛路崩入河邑令徐金位勸民讓地復築堤修路長一十三里高一丈寬三丈餘

### 陂堰詳考

原志所載陂堰惟列頃畝若干未詳坐落此屬水田要事倘再經歲月萬難找尋復古者何以考核謹臚列於左

### 羅陂三塘

收 渠水下 石羊渠曲

沙 家 東轉龍潭溝入溧河原

入

化

東鄉

王

東大之 窪地是

白家

白家

新野縣志

卷之一

建置

三十

乾白 窪地是

之 西窪地是

地是

陰 玩荷池今成水田撥入普濟堂以  
地是也

溧陂

城東大方家營前窪地是

諒陂

小侶渠地方所轄之秦家營西窪地是

厚陂

厚橋與鄧州界相近窪地是也

瓦亭陂

厚橋現有碑記與鄧境相去六里窪地是也

周仁陂

新野縣志

卷之一

建置

三十一

陂有堰口在焦家樓半里乾河東邊是

杜長陂

杜家岡宋庄西窪地是

新陂

潦口村南現有潦河堰口西邊窪地是也

三泉陂

后庄龍泉寺望夫石下沿河地今民悉墾

苦竹堰

樊家集新白河邊與前嶺背相對其尾在八里堂

邊曲灣二十餘里僅有其形今皆墾爲熟地

紙房堰

車兒灣北一里許乾河東岸現在堰口東窪地是

駙馬堰

新白河西岸兩河口韓家營現有堰口西窪地是

柳堰

柳林李家堤之東窪地是

土堰

今屬村名坐落溧河舖之北東西兩岸窪地是

新野縣志

卷之二

建置

三十一

桐栢堰

今屬桐栢溝坐落廻龍寺水張家營東窪地是

長平堰

舊載南陽護衛里今屬新魏家寨西窪地是

藁薦堰

沙堰下載東岸乾白河邊通馬家大庄東窪地是

短堰

黑龍堰西二里許窪地是

二郎堰

屬宋庄所轄戴家營前窪地是

蟻螂堰

城西北港口寺河南岸史家營前大黃渠以上窪地

是也

沙堰

今屬鎮名東窪地是

棠棣堰

夏官營東南窪地是

眉兒堰

新野縣志

卷之一

建置

三十三

李魁溝里許西窪地是也

坊表

宣化坊

縣治東

政教坊

縣治西

澄清坊

統坊

雲衢坊

奎樓旁

美坊

縣治東北爲舉人蕭聰及其子肅麟立

台坊

縣治東北爲進士蕭體元立

坊 爲舉人齊雲立

京捷坊 爲舉人羅濬立

天衢坊 爲舉人喬木立

肅儀坊 爲李論立

世芳坊 爲進士白琮立 舊志云嘉靖中乘輿南幸各坊並毀

豸史坊 縣治西北爲進士劉良卿立

鳳誥池恩坊 縣治東爲進士陶鴻儒立

貞節坊 縣治北爲生員康忠恕妻劉氏立

新野縣志

卷之二 建置

貞節坊 縣治東爲生員張岱妻蕭氏立 以上並存

沙堤坊 縣北三十里明張江陵相國遊此邑令傳來鵬爲之建坊今廢

節孝坊 縣治北爲監生楊瑀側室平氏立

節孝坊 縣治東北爲韓錫璋之妻張氏立

節孝坊 在南關爲徐有林之妻魯氏立

節孝坊 在崗頭鎮爲鄭宗洪之妻曹氏立

節孝坊 在沙堰鎮爲鄆大慶之妻焦氏立

節孝坊 在小東關爲魯士任之妻宋氏立

節孝坊 在河西菓園爲趙篤明之妻高氏立

坊 南

津梁

惠橋 東門外

愛橋 南門外

廣濟橋 西門外

通遠橋 北門外 俱知縣薛琦創建

兩河渡 城西北五里 湍涓合流處 通鄧州

新店渡 城南三十里 白河所經 流通襄陽

江石渡 城西南二十里

新野縣志

卷之二 建置

三十五

屯頭沙渠石橋 城東十五里

溧河石橋 城東二十里

馬槽渠石橋 城東南二十里

河石橋 城東北四十里 俱唐縣義民劉讓創建

石龍橋 城南二里 明隆慶元年鄉民黃霽獨建

岳家橋 城東北三十里 隆慶四年鄉民呂守愚倡修

刁河石橋 城西南二十里 明嘉靖二十八年徐欽倡修

石橋 一在城南七里 嘉靖二十一年鄉民李鸞倡建 一在城西北十里 嘉靖二十年鄉民白勳倡建 一在

城西南三十五里 嘉靖三十年省祭杜思創建

石橋

城西四里嘉靖三十四年鄉民鄭演創建

仙橋

城北八里明天順四年知縣蓋謹創建

雙龍橋

城北雙橋舖北數十步

陽關橋

城東北二十五里創建未詳

小河橋

城西七里明萬歷三年邑人趙相獨建

官橋

城東四十里通唐縣官路創建未詳

新野縣志

卷之二

建置

三十六